

中國方志叢書·華北地方·第三六五號

據

清·舒化民修，徐德城纂
清道光十五年刊本

影印

山東省

長清縣志

成文出版社有限公司印行

51.18/02



10098434

中國方志叢書·華北地方·第三六五號

據

清·舒化民修，徐德城纂
清道光十五年刊本

影印

山東省

長清縣志



511212

成文出版社有限公司印行



10098435

中國方志叢書·華北地方·第三六五號


據

清·舒化民修，徐德城纂
清道光十五年刊本

影印

山東省

長清縣志



SK/8/08

成文出版社有限公司印行



10098433

中華民國六十五年 月壹一版

長清縣志

全三冊

發行人：黃 成 助

出版者：成文出版社有限公司
台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

道光乙未重修

長清縣志

序

夏后作禹貢周官志職方皆因地制宜
以出治道也後世志乘昉焉圖經廣輿
郡國寰宇等書實乎遠矣我

朝重修一統志採輯宏備鉅細畢該固已綱
舉而目張其分而詳之者各省通志外
下逮郡縣際斯

重熙累洽道一風同之時極之山陬僻壤

蕞爾微區莫不搜羅往事援古據今
以備一縣之掌故溥海內外凡邑皆然
長清地處齊魯之交當古昔青兗之
會泰嶽播其雄風汶濟敷其清潤濟
北設郡在盧分理漢魏以來稱為著邑
自隋置縣唐益疆域宋徙刺榆金元

迄明代有聞達且密邇會垣政教先及
瞻仰岱宗

巡

歷屢駐宜其漸摩浹洽視他境倍優人文
踵興迄今逾盛則邑之有志當尤為
詳贍也道光丙戌承乏來茲下車伊始
徵覽舊乘延修於康熙初年記載簡
牒嗣後百六十餘載

承平風化邈焉莫攷雍正元間續有補葺

寥寥數幅闕畧良多不禁喟然興感已
而周覽其山川拊循其風俗欲興廢繼絕
潤色

鴻業而徵文考獻時有未遑旋以假歸里
斯事之耿々予懷者迄三四年癸巳復
涖茲邑適

府尹下修志之檄衆紳呈採訪之稿
喜吾念之可遂也因亟釐定稿本集賢
士大夫而商校之同志踴躍協力劬
閱數月而書成彙為十集分為廿卷
雖旁搜遠紹徵覈難周而掇拾遺文
或足補苴罅漏俾百數十年之事不致
愈久而愈湮予志斯慰亦足上慰

長吏殷求之志矣且夫邑乘之流傳非徒識往事已也將使官斯土者酌古準今因俗為治布

朝廷德意振厲風教以宜其民有所率循而不稍戾焉其鄉先生繼往開來得以古處勗其後進使觀感興起數典而不忘也所以為治所以為教昏於

雅化

是乎在志之為義豈淺鮮哉矧邑
為四達之衢星使頻臨輶軒絡繹採
風者披簡編而擷菁英共知盛濟之
間早協

同文之盛軌不視為杞宋無徵等諸
自檜以下詎非邑之幸乎按訂甫竣
命付剞劂適余有奉調平陵之檄瞬

序

日

屈爪代寸衷惓々彌切縈紆所幸
後任君子夙著才猷是正之餘更當
補所未備使美益彰而盛益傳則雖
彈丸稗史所以揚

太平之休者逾遠矣


勅授文林郎嘉慶丁卯舉人道光乙酉同

考官知長清縣事靖安舒化民謨

時維

道光十四年歲次甲午季冬月





道光十五年春長清令尹舒君自庵調補首邑余奉檄權知縣事自庵將去以

文廟志書二事諄諄囑余蓋廟圯重葺興工甫兩旬邑志藁本初定亦尚未開雕也余守厥成議與邑之人踵而行之閱五月而殿宇落成志乘亦漸次刊竣爰取樣本復加校訂見夫山川之夷險風俗之變遷土地之肥磽封疆之沿革物產人文之華美莫不較若列眉燦然備具余繙閱久之且喜且懼所喜者何

幸君之事竟成也所懼者何顧余之責難副也夫邑
之有志纖悉畢載驗興廢察治忽民之安危視官之
賢不肖爲轉移洎斯土者藉考鏡於往古正當期振
作於將來也豈徒以區區文藝之末矜淹博而誇藻
績乎哉自庵兩宰斯邑卓卓有政聲余到官以來迹
其行事若倉儲若保甲若濬河若築堰若置義學濟
貧士凡有裨於民者皆汲汲以爲之最後有建廟修
志二端以遷官去未歲厥事今年春邑苦旱麥收甚